

U slučaju smrti

Pozovite SOS Alarm (112), svoj centar primarne zdravstvene zaštite ili centar hitne medicinske pomoći ako osoba umre dok je kod kuće ili na javnom mjestu. Liječnik mora pregledati tijelo kako bi popunio umrlicu i utvrdio uzrok smrti. Iste smjernice se primjenjuju i na Kantonalno vijeće Kronoberg i na Policijsku upravu Kronoberga.

Ukoliko smrt nastupi u bolnici ili drugoj zdravstvenoj ustanovi, uvijek će vam se pri ruci naći osoblje koje vam može pomoći odgovoriti na moguća pitanja. Biće vam dozvoljeno i odati posljednje počasti. Nakon par sati, tijelo se prevozi u mrtvačnicu, a obje naše kantonalne bolnice posjeduju kapele.

Autopsija

Autopsije mogu biti neophodne u nekim slučajevima, radi utvrđivanja uzroka smrti. U nekim slučajevima autopsija može biti potrebna kako bi se otkrilo koliko je bolest napredovala i radi mogućnosti odgovaranja na pitanja rodbine ili liječnika uključenog u taj slučaj. O tome će liječnik, prije same autopsije, uvijek porazgovarati s rodbinom, što je strogo regulirano zakonima i propisima Švedske.

Sahrane i prevoz umrlih osoba

Nakon što je smrt izvan bolnice potvrđena od strane liječnika ili kad pacijent umre tokom boravka u nekom objektu zdravstvene zaštite, članovi obitelji obično kontaktiraju direktora pogrebnog zavoda. Zdravstveni djelatnici mogu odgovoriti na bilo kakva pitanja. Direktor pogrebnog zavoda preuzima brigu o prevozu i pruža savjete o samoj sahrani. On vas može posavjetovati i u slučaju da je do smrti došlo prilikom posjete nekoj drugoj zemlji ili ako se pokojnik prevozi u drugu zemlju.